

寶豐縣志

寶豐縣志卷之六

寶豐縣知縣李衍梧纂輯

典祀志

祭以事神明裡肅將弗可忽也若夫祀出於

朝廷所命器數儀文令典昭彰雖上祀中祀羣祀不無隆殺之分而申昭報之誠則一令甲森嚴將事者宜何如恪恭慎重

不當視同蘭若古剝也舊志茫無區別茲特敬錄典祀為一編尊燹章也因以見春祀秋賽皆在有功德於民者而非范

六丈所云鄉人之簫鼓

社稷壇 河南通志社稷壇在城西 舊志其地東西十二丈五尺南北十丈五尺

寶豐縣志

卷之六 典祀志

先農壇 河南通志先農壇在東關外 舊志正宇三間東西各一間乾隆年知縣陸蓉修藉田四畝九分

神祇壇 河南通志風雲雷雨山川壇在城南 舊志在南門外偏西其地東西十丈南北二十五丈

漢高祖廟 河南通志在陂北保 按陂北保即今止高皇廟是也

文廟 興建見學校門 湖查 洪武十五年去塑像設木主天順八年置鍍金銅像嘉靖九年仍改木主

按會典大成殿祀

至聖先師孔子

四配 復聖顏子 宗聖曾子 述聖子思子 亞聖孟子

十一哲 閔子損 冉子耕 冉子雍 宰子予

端李賜 冉子求 仲子由 言子偃

卜子商 顓係子思 有子若 朱子熹

東廡 先賢蘧瑗澹臺滅明原憲南宮适史記作括 商瞿漆雕開司

馬耕梁鱸冉孺伯虔家語作處 冉季漆雕徒父漆雕哆公西赤任

不齊公良孺公肩定鄒單罕父黑榮祈右人郢鄭國原亢廉

潔叔仲噲公西輿如邾史記索隱作邦異 陳亢說文作伉 琴張步叔桀

廣少韻作叔 秦非顏噲顏何縣亶樂正克萬章周敦頤程顥邵雍

先儒公羊高伏勝董仲舒后蒼杜子春諸葛亮王通陸贄

范仲淹歐陽修楊時羅從彥李侗呂祖謙蔡沈陳淳魏了翁

王伯趙復許謙吳澄胡居仁王守仁羅欽順黃道周湯斌贊

道光六年增祀黃道周道光五年增祀湯斌道光三年增祀

西廡 先賢林放慮不齊公冶長公哲哀家語作克 高柴樊須商澤

寶豐縣志 卷之六 典祀志 二

巫馬施顏辛通典作柳 曹邴公孫龍秦商顏高壤駟赤石作觸公

夏守石處奚容藏顏祖句井彊秦祖縣成公祖句燕伋樂欬

狄黑孔忠公西藏顏之僕施之常申枏左邱明秦冉牧皮公

都子公孫丑張載程頤 先儒穀梁赤高堂生孔安國毛萇

鄭康成范甯韓愈胡瑗司馬光尹焯胡安國張栻陸九淵黃

幹真德秀何基陳澔金履祥許衡薛瑄陳獻章蔡清呂坤孫

奇逢劉宗周陸隴其呂坤道光六年增祀孫奇逢道光八年增祀劉宗周道光二年增祀

按舊志不載從祀諸賢第歷年有增祀者似應載入備考

按會典崇聖殿祀

肇聖王木金父公

裕聖王祈父公

誥聖王防叔公

昌聖王伯夏公

啟聖王叔梁公

先賢 顏氏無繇 孔氏鯉 曾氏點 孟孫氏激

東廡先儒 周氏輔成 程氏珦 蔡氏元定

西廡先儒 張氏迪 朱氏松

文昌廟 奎星樓 興建均見學校門

關帝廟 河南通志在城內 舊志在倉巷抵北城始明正德間制甚小後漸拓乾隆年吏員周禮修 知縣胡元吉重修

寶豐縣志 卷之六 典祀志

旗纛神 舊志每歲端午霜降於演武場將臺祀之

龍神廟 河南通志在城東北

火神廟 河南通志在東關 舊志乾隆二十年商民李朝蘭等修建

按舊志載王道衡撰新修炎帝廟記大定間王和王政連

玉等修建正大改元立石

東嶽廟 河南通志在北關即泰山廟也

城隍廟 河南通志在東侯街

按舊志載陳應麟撰重修寢殿記善民牛承間狄望堯馮

善慶謝邦珍與邑之士大夫 缺 閭左之富而好施者咸樂

輸以終厥事是役也始於萬歷二十二年正月至二十三

年三月落成

嘉慶二十一年知縣秦伯度重修有碑

劉猛將軍廟

在八蜡廟西乾隆年知縣馬格建按畿輔通志載神名承忠吳川人元未授指揮壯歲詰戎奸盜

歛藏適江淮飛蝗千里揮劍逐之蝗盡殪死後以王事自沉河上人祠之有猛將之號雍正二年總督李維鈞以

神靈蹟顯著奏請所在官司以春秋戊日祭之

八蜡廟

河南通志在東關乾隆年知縣馬格重建知縣陸蓉重修並撰碑記

馬王廟

見署廡

土地祠

見學校

靈泉祠

按舊志靈泉祠在朝儀街靈相祠即萬壽寺西偏乾隆八年知

寶豐縣志

卷之六 典祀志

四

縣馬格以禱雨靈應創建乾隆五十三年知縣陸蓉重修

膠東侯廟

河南通志在縣治西北隅祀漢賈復乾隆年知縣馬格重建知縣胡克吉重修

馮王二將軍廟

在邑東四十里翟家集蓋漢中興時馮異王霸二將軍也

卓君廟

河南通志在縣坊廓保祀漢密令卓茂舊志漢褒德侯卓君廟在城北二十五里高鐵

明道祠

河南通志在縣商酒務程顯常謫居講道於此故後人立祠祀之祠內有春風亭一座嘉慶二十四年知縣

秦伯度重修兼置地五十九畝奇交董事生員楊如旗職員鄭雲生增生盧鎔等經管所收籽息除歲修祠字外積

存添置地畝道光十七年知縣李衍梧清查計積存錢一百四十三千餘當添地二十一畝奇仍交該董事等管

理並令年終將支銷盈餘具稟備案

名宦祠

興建見學校門

按名宦崇祀依舊志所載宋知縣事洛陽程瑜監酒稅程

顯知縣事眞定錢稔潁川朱子純河間王魏安慶李安仁
金知縣事石首耿宣威明知縣霍邱朱銓巴陵顏頤壽叩
州王廷簡澤州苗煥

國朝提督學院張九徵巡撫部院尹會一知縣任邱胡權海寧
楊宮建九十五人

鄉賢祠

興建見
學校門

按鄉賢崇祀依舊志所載漢陽夏侯馮異漢破虜大將軍
叔壽吳立信校尉馮熙宋太常寺丞孔旻明興縣知縣徐
文旃南陽縣學教諭李猷吉

國朝工部屯田司主事吳宗孟九七人

寶豐縣志

卷之六

典祀志

五

忠義祠

興建見
學校門

按神牌所書漢陽夏侯忠勇馮異宋太常寺丞孔旻明南
陽縣教諭殉忠李猷吉舉人殉忠李得笥鴻臚寺序班蕭
湘賑饑 旌表義民扈敬孝子廩膳生員陳策九七人

節孝祠

在縣治西街 嘉慶十四年邑紳余萬
全重修有知縣賞鐫碑記刊列於後

按祠內舊祀六十氏 道光十三年知縣李衍梧彙請入
祀四百三十氏又隨案請旌四氏共四百九十四氏

呂祖廟

在東
關外

呂祖爲唐河中永樂人道號純陽子咸通中舉進士第授
江州德化令愛民有實政後解組歸遇鍾離老祖於長安

市遂成道其文其事俱載於呂祖全書嘉慶十四年知縣
賞階 建有碑列後道光五年知縣謝興嶢重修有碑

重建節孝祠碑記

知縣賞錯撰嘉慶二十一年立石

余既譔重修 學宮及忠義祠碑記紳士等復爲余氏兄弟乞
撰節孝碑文以記其善余萬全兄弟皆稱素封而萬全尤淳謹
喜爲善暇時接見其人溫文爾雅氣質淳美叩其所爲恂恂訥
訥似不能出諸口及觀其於師友之間解紛排難推讓分憂而
又不以功自居其生平之爲亦概可知矣去年春紳士等商修
學宮余氏弟兄乞專修節孝祠萬全萬德之母皆青年矢志
貞一不二余氏昆季之舉亦可謂善於彰母之節者矣其時監

寶豐縣志

卷之六

典祀志

六

工者爲萬全之母舅王振拔岳父張龍書及其友王象舒馬綏
樂可法一切工料不惜煩費堅固華好務極善而後已余聞萬
全之母家雖豐盈井臼常自操雖一切訊掃縱紆之事莫不躬
自力作如貧家婦而又不恤其子之樂善好施非獨其子賢其
母亦不愧古之賢婦人矣至儲粟石以豫恤凶荒集同好以重
刊丹桂籍萬全之設心立行向善正未有艾余固樂允紳士之
請而有以彰余氏兄弟之善其人詳其行以記其事也

新建呂祖殿碑

知縣賞撰嘉慶十四年立石

乏雉陽幾及十載父城雖若彈丸而一切廟宇寺觀九

在典祀者紳士等無不捐貲次第修建煥然一新己巳秋紳士

等復請建立 呂祖殿於東關夫 呂祖爲唐河中永樂人道
號純陽子生平喜頂華陽巾咸通中舉進士第授江州德化令
愛民有實政後解組歸遇 鍾離老祖於長安市中成道後誓
願渡人靈跡徧天下其文其事俱載於呂祖全書及重訂全宗
正膾炙人口傳誦於今喜自己巳八月起至庚午六月止越十
月而工告竣其時監工者楊朝吉王象舒楊逢源馬綱樂英魁
等正殿三楹肖像其中配像左爲柳祖右爲黃祖南建道房五
間爲司香火者棲息之所古茂樸實清曠雅潔升其堂者瞻仰
聖像畏敬慈愛之心油然而生而後知 祖師之大德鴻慈雖
窮鄉僻壤有無不周無不徧也遂謹述其巔末而爲之記

增修程明道先生祠碑記

知縣秦伯度撰嘉慶二十二年立石

道先生宋之理學名儒也家居於洛何爲而祠於寶豐哉或曰以先生監汝州酒稅故余謂不然先生自登進士第後服官中外幾三十年於上元均田畝之賦稅於鎮寧塞曹村之河決惠澤及民不可殫述及知扶溝去之口老幼百攀號泣遣之不去彼身受其恩德者更當何如祠祀乎若僅以監酒稅而祀先生是下知先生者也且先生家育專祠今過伊洛之其堂車服禮器慨然想見其爲人又何待寶壹之都人士高其闔美其輪奐豚酒羔羊歲時祭享而後爲崇哉然而寶豐之祀先生則囚有說昔宋公揆見

寶豐縣志

卷之六

典祀志

八

先生於汝州踰月而歸告人曰光庭在春風中坐了一今考其地即在於此是先生之教不必擇地而施而適值監於汝之時朱公自他方來且得以坐於春風則當日應山澁水間敦詩書說禮樂躬親其教者又不知若何鼓舞於春風中也百年來流風餘韻於今未泯從而祀之不亦宜乎余自己已通藉迄壬申春捧檄斯土既於春風書院增加膏火以課生童復於邑之西北二十里外得謁先生祠廟瞻拜之餘而知春風書院之名以先生而重則學者之服膺先生也可知余方進生童而督課之而能翫然於先生之祠哉祠之舊局湫隘且歲久剝落亟宜新因於闔邑謀莫不踴躍時

則學博龐君龍文孝廉李君金臺范君密吳君益謙哉才盧生
鎔楊生如梅先爲倡義集衆捐貲太學李生千紫武庠孫生鳳
爲之購材太學張生鍾靈武庠陳生志興鄭生雲生爲之

工而監督之乃擴其舊址大其規 前爲頭門次爲誠敬門中
爲春風亭制爲八角聳以重檐以 學者游息登嘯之所後爲
踐履堂 祀 先生堂之左右爲安宅爲正路亭之兩旁爲東
塾爲西塾以棲學者復置田百 十畝設爲義學每歲延師課
讀及修 之費皆取給馬經 於丁丑仲秋 三月而落成於
是携邑中之士坐春風之亭舉酒相賀暢然爲樂因高挑遠矚
衆竇而言曰登斯亭也壯 汝 烟波縹緲若遠若近庶幾

寶豐縣志

卷之六

典祀志

九

隱君子乎而其南則魯易元次山顏魯公之遺蹟在也東望
鳳嶺龍溪磅礴鬱積蒼蔚繽紛夫豈無鍾靈而毓秀者西俯五
龍泉噴激萬狀今人思易夏侯之豐功偉烈而勵其忠貞則斯
亭又非僅爲游息登嘯之所而窮覽山川曠懷今古尤足以擴
胸襟而滌邪穢也若夫春秋佳日二三同好詠歌先生相與尋
孔顏樂處則斯亭更有春風沂水之思焉今而後斯人斯士勉
乎哉志 先生之所志學 先生之所學母徒瞻其祠登其亭
也此則余之所厚望也夫

